

開縣志

祠祀

記曰有功德於民者則祀之不則爲淫故歷代祀典至肅也然普賢過化於峩眉李耳著異於青羊二氏之教於蜀爲烈因類及之作祠祀志第九

社稷壇在治西門外

神祇壇在治東門外

先農壇在治東門外北方

風雲雷雨山川壇在治東門外

開縣志

卷九

祠祀

一

厲壇在治東門外北方

文廣在城內西街知縣盧天樞創建

崇聖祠在大成殿後

文昌廟在學宮右雍正三年知縣朱岳楷重修

關帝廟在學宮右知府劉天觀知縣郭孝穆捐修

倉聖祠在學宮右道光二十三年知縣恒裕率職員皮

存恢捐修

名宦祠在

文廟戟門東所祀之人見政績志忠節志

鄉賢祠在

文廟戟門西所祀之人見人物志

忠義祠在學宮側所祀之人見人物志

節孝祠在學宮側所祀之人見列女志

城隍廟在東門外知縣張景穆重修

龍神祠在東門外

川主廟在西門外

東嶽廟在治西盛山之麓

武侯祠在南門外今無

開縣志

卷九

祠祀

二

五顯廟在城外東街

按五顯春秋伍員也歷代崇封帝王宋封靈濟

昭佐顯聖王故曰伍顯聖王後祇曰伍顯耳世

謂神蕭姓兄弟五人以顯爲派者誤

昭忠祠舊在盛山西道光四年冬置知縣高學濂改

建城內西街以祀殉難士民李世勳等共二百一

十三名

今移入秦公祠內

三官廟在縣西門內康熙四十九年典史屠宸樞建

神仙寺在縣南二十里

太清觀在縣西明永樂重修

迎龍觀在縣東一里神仙頂舊志相傳觀中道士每歲一人登仙入道以先後爲序屆期觀中預爲設醮拜章沐浴更衣以俟觀者不啻數千人時音樂喧闐燈火輝煌長橋如虹自空而下登仙者昇橋而去莫知所之有一異僧至知其爲妖也按劍以俟須臾橋成即揮劍斬之有物墜地長丈許如牛舌狀血流滿地莫知爲何既而於溫湯井後石洞中見一巨蟒舌斷而死乃知向者登仙之士皆爲

開縣志

卷九

祠祀

三

蟒所吞自是妖患遂絕

滴水寺在縣東五里把總楊鎮川倡修

觀音堂在縣西十里觀音橋左

佛會寺在縣西四十里

廣福寺在縣西四十里

碧雲寺在縣西五十里

白雲寺在縣西五十里

雙城寺在縣西四十里

道林寺在縣西五十里

關帝廟 水府廟 東嶽廟 三義宮 真武宮

禹王宮 崇聖宮 濂溪祠 古南宮 帝主宮

在縣西臨江市六十里

善繼菴在縣西五十里

普光寺在縣西十五里

雙龍寺在縣西七十五里中峰山係古剎塔基猶存

普濟寺在縣西七十里

永盛寺在縣西七十里

西林寺在縣西八十里

開縣志

卷九

祠祀

四

寶佛寺在縣西八十里

白乳菴在縣西八十里

天宮堂在縣西九十里

三教寺在縣西九十里

白水菴在縣西八十里

毘盧寺在縣東五里

報國寺在縣東十五里

圓通寺在縣東八十里

傳燈寺在縣東七十里

寶勝寺在縣南九十里

福壽菴在縣南一百二十里

朝天觀在縣南八十里

三元菴在縣南一百里

青雲觀在縣西九龍山

延真觀在龍馬洞口縣北五十里

劉源祠宋嘉祐中建源平開州萬歲丁溪灘患民因祀之

秦公祠在縣西街祀宋開州監軍秦傳序

開縣志

卷九

祠祀

五

大覺寺在縣北二里盛山皿字上唐元和間韋刺史與禪師柳律結方外交紺宇寢盛元泰定間重修明詩僧傳復住持茲山往來多名輩諸佛菩薩神像皆銅爲之其地枕山瞰城古木葱蘢擅一邑之勝遊人詞客多題咏其間山門額書大覺寺三字內額書覺路慈門四字款誌知縣郭諲教諭秦時中訓導羅夢松主簿鄭之雄典史傳承貴萬歷四十六年戊午佛生曰哉生明字法秀勁墨色如新獻賊之亂城邑宮室盪然無存此獨巋然魯靈光

猶累代故物也

沈稿

梵天寺在縣西七十里縣壩相傳即清水廢縣署址道光初土人掘出石碑記云我祖原籍河南開封府舊祖姑向后以賢惠顯於宋其侄敏中以甲科相於宋後緣金變而祖有入楚之常德者再緣元變而有入蜀之夔州者獨我高祖向公隆居於清水之舊邑捨寺基一所名曰梵天我曾祖向公子金又將寺前後左右田地山林盡捨之時價值紋銀一百兩止受三十兩是二祖之有功德於此寺

開縣志

卷九

祠祀

六

至矣但恐世遠年湮先德難考故勒石以識之云萬歷甲辰歲孟秋吉日開縣國子生向涵頓首
三臺寺在江里向無廟

國朝康熙年間某月一夕暴風雨一鐘飛落其地里人因建廟懸之嘉慶初有譚某者欲毀鐘方舉斧雷電交作某懼而止

金瓶寺在縣西百餘里前明古刹相傳破山和尚曾寓此寺遺牡丹一莖其種不可分分卽變爲木本每歲花開白則歲旱紅則歲豐

青雲寺在縣西五十里前明肅家觀故址雍正初有僧天培夢神告曰爾欲修真曷棲止於青雲起處僧覺而異之後果見此處常有青雲遂立廟止焉故名

觀音寺在縣西四十里大池山廟前有石獅以刀刮之血痕隱隱見

北御都廟在縣南一百三十里

國初慕義侯譚夫人杜夫婦捐修有碑記寺側有一石洞相傳下通冥府

開縣志

卷九

祠祀

七

三賢祠在城內祀元趙受明陳良楊文

大寧寺在縣西睡佛池右

大悲寺在縣西卽文廟故址

眞武宮在治城外西街卽常澧會館

帝主宮在治城外東街卽黃州會館

天后宮在治城外東街卽福建會館

列聖宮在治城外東街卽浙江會館

萬壽宮在城外南街卽江西會館

禹王宮在城外南街卽湖廣會館

英烈宮在禹王宮西偏

三清廟在治東三里黃侯城下

華嚴寺在縣東五里熊耳山下

躍龍寺在縣東二十里

昭靈寺在縣東十里烏楊橋大路傍石壁蟬聯鐫刻

佛像大小二百三十五尊有兵馬禽獸昆蟲等狀

不知創自何年鄉人遇事祈禱輒應

文昌閣在神仙山頂嘉慶初建今圯

水府廟在縣東明萬歷二十九年建有碑記

開縣志

卷九

祠祀

八

官亭寺在縣東一百里明代建有碑斷缺寺踞山麓

林木蒼蔚與凡境殊

慶元寺在邑東八十里元明古剎

龍神祠在縣東十五里石柱關下知縣李肇奎龍神

祠碑記縣東一里曰清江緣江北上十五里爲石

柱關關高數十丈面江枕山林木蒼蔚稱一邑佳

勝關下爲天池有龍神祠不知建自何代咸豐癸

丑歲夏旱設壇禱雨請水於祠水甫至而甘雨如

注秋七月復大旱再禱再雨有不啻影之隨形響

之隨聲者於斯時也男歌於塗女謹於竈頌聲愜
邑境余越日詣謝則見石壁千尋蔓草荒烟中有
石像數尊金碧剥落苔蘚斑斕烏鳶巢其頂狐狢
竄其下余惻然心傷徘徊躑躅不忍去於是披榛
剔莽隱約得建祠舊址謀更新之議剛定有獻策
於余者曰此地在前朝有祠爲雷轟者屢矣曷已
之盖居民有惑於風水之說者欲假是以沮撓之
也余勃然曰二氏之教畔道特甚琳宮梵宇遍天
下而神爲民請命澤被一方惟是露宿野處曾無

風雨之庇且謂建祠必千天怒豈蒼蒼者至今日
而全無皂白耶是何言哉是何言哉乃捐俸廉若
千緡鳩工庇材構屋數楹裝潢神像彌月而工竣
歲事之速若默默有相之者繼自今日暘而暘日
雨而雨吾知神有憑依必更有造於吾民也其
或有倡爲異說敗壞祠宇者是所望邑之士大夫
與後之宰是邑者共懲之咸豐三年七月知開縣
事李肇奎撰